







盛時十二家詩選第四卷目錄

七言古詩

楚岬吟寄牟子

王廷陳

豪士吟贈王氏

紫團山人歌贈栗夢吉

高叔嗣

初泛漢江東峪使君邀飲習池

荅許右史

李攀龍

歲抄放歌

送永寧許使君



送謝茂秦

贈殿卿

金吾行贈戴將軍

張生歌為應和作

王世貞

古

戲成短歌調顧山人季狂

短歌送袁魯望之南曹

為錢世重題懸磬室

短歌自嘲

乙卯病後遇生日獨酌至醉漫歌

從軍篇

即事書懷

徐子與自郡調歸諸名士同汎石湖

荅李伯華文選

醉題曹子念壁

周胤昌自金華丞入計遷太守賦此贈別

歌贈季生還四明

夢中得語云百年那得更百年今日還須

愛今日因戲成短歌

過長平作長平行

贈李秀巖

况子行荅吉甫參政

將抵潯陽戲作短歌

舟次江陽趙常所太守留飲

姚汝脩七

白帝城歌

江上對月放歌

江上對酒懷古

鳳泉茶所為陳子野題

雨雪嘆金口鎮阻風

桐灣閣上偶然作

秋夜對酒

張文介七

甲子下第述懷

東方游初

立春日對酒寄從弟惟遠

雨霽登靈鷲峰

醉後贈陸峻菴

放艇

長歌行寄陸先生

送客

寓衢麓有贈

江上別故人

九日飲雨花臺

秋夜與王太僕集姚太名宅

飲橫崖不釣磯上作

秋夜有懷二子

淳化鎮道中

送克際往漂陽訪張晚溪丈

乙亥元日對雪述懷

對雪撥悶

與虎泉丈吳山踏雪暮至樊山人家席上

賦

正月十六日寄何佩韋文學

九日飲朱家用高達夫韻

送雷東河

辛巳春日飲鳳麓太守花榭

初晴寄上黃翁殿下

送王懷亭總戎督餉之淮安

盛明十二家詩選卷四

東嶽黃氏福功堂藏書

益王潢南道人批點選輯

七言古詩

王廷陳

楚岸吟寄牟子

楚岸長楊垂至地百鳥嬌啼春自醉晴絲冉冉
墮碧空風光頗為遊人媚我家王子國君住鄂
王城大江東下雲霧接滔滔應瀉故人情憶初
同領南宮宴白馬青袍花映面本期霄漢並翱

金日一... 卷四
翔寧知世路多更變我歸十年前君歸十年後
榮華顛倒若夢中人情翻覆無不有安能顧墮
甌自令心不開陰巖積古雪白日何當來我將
振衣從子遊請君洒掃鸚鵡洲遲日經行桃花
杖烟波搖漾木蘭舟須令漢水變春酒更遣大
別為糟丘留連坐待明月上醉倚嬌娥黃鶴樓
竹林諸賢漫瑣瑣高陽酒徒安足儔嗟吁此會
難即得使我悵望無時休君不見楚宮寂寞臺
殿荒歲歲東風開野棠三閭顛顛行吟處千古

猶傳杜若香
丈夫眼底安足計
君行采采莫相忘
有奇氣

豪士吟贈王氏

君家高樓臨漢水
落日悲風白雲起
門垂楊柳千萬株
長條直拂洪波裏
我來繫舟古楊下
秋深岸束蒹葭靡
此時歸思正鬱陶
偶爾逢君行且止
邀我置酒開綺筵
庖子擊肥兼割鮮
海榴新擘寶房碎
湘橘旋摘金子圓
翠袖成行獻歌舞
授色知心次第前
堂中食客多且賢
寶刀錦

帶光接聯持觴遽進勸我酒四座為壽俱萬年
平原十日飲未足白首酣歌凌紫煙自矜膂力
莫與伍俠氣翩翩尤擅武角弓十斛左右張蛇
矛丈八盤旋舞櫪上生車六駁姿猛士如林不
敢騎控鬣鳴鞭一躍上疾馳緩步衆稱宜男兒
身手有如此壯節竒功皆可為君不見道阻天
寒行旅苦水有毒蛟山有虎請君殺蛟兼射虎
惡少紛紛安足數亦有竒氣稍加雄健則全王
矣

高叔嗣

紫團山人歌贈上黨栗夢吉陳州之弟

紫團高山槩青雲生賢吐瑞合氤氲二馮卓犖
不可睹奉世野王君家兄弟殊不羣陳州一出
驅五馬令弟二十窺三墳博物自識顯陵策對
人能讀嶧山文今日漢家方貴少歸來結綬朝
叨君

初泛漢江東峪使君邀飲習池

大堤兩岸春流滿峴山十里啣日晚新雨深沉

洲嶼移餘霞。明滅川途遠。南來鞍馬背。高城泛
舟始作漢。江行總轡昨。朝當寒食鼓。柁今日值
清明。學初唐人清明寒食愁。江路逢人乍。問栖泊
處楊柳深。垂渡口。喧桃花淺。映村頭暮。清新宛
媚襄陽使君乘暇日。邀飲習池酒。興逸然。燈清
夜歌管鳴。吹角蒼波魚龍出去國。未覺客身輕。
乘流翻恨風帆疾。別君轉入江海長。明朝解纜
情如失。蘇門似不長。于七言古詩故稿中亦少
今僅選得二篇

李攀龍

俠客行為子與贈吳生

本自吳越游。俠人結交燕。薊少年場。長裾不曳
朱門裏。擣捕大叫青樓旁。被酒目攝羽林騎。擁
金作使邯鄲倡。弟畜灌夫師。事田光得意一言。
失意一言相怨。一方相慕一方男兒。過逢好驚
座。世事握齧寧陸梁。姓名何惜借。輕薄出處未
須論。侯王親知猶向隅。有錢徒充囊。誰家猶戴
天。有客徒滿堂。猛虎可值俗子莫當。俗客猛於

平生片心照秋水。明日報恩還故鄉。

逼除過右史水村江山人同賦

夜來北渚北風急打頭雪花大如筮片紙東飛

右史書詰朝小作湖中集到門白鳥出高巢繫

馬南山道人入使君停午未解醒肅客登筵一

長揖地僻兼無俗子妨樽空况有鄰家給意氣

還須我輩看功名但任兒曹立瞥眼旋驚青歲

徂沾脣莫放金杯溢世上悠悠已自諳即今不

飲嗟何及醉聽楚調起寒雲綵筆憑陵朱絲濕

平生多少伯牙心此日因之寄篇什

答許右史

王門隱者身坎壈老曳長裾裾婀娜自言能料

一生事及至干時計常左從他慘淡復為誰即

得新詩題向我雨雪蓬蒿共三逕春色傳伶餘

藥裹濁醪但熟貧亦足微官纔罷病輒妥下句更妙

宵中壘塊故須澆乘興往來無不可白眼生成

薄祿相青山合就漁樵佳句達識趙壹疾邪衆

所擯鄒陽暗投才應坐羨爾悠悠世上情回頭

數子殊公麼篇中所圖奇句永當傳之萬年使
李杜高岑見之亦當數點頭矣

歲抄放歌

終年著書一字無中歲學道仍狂夫勸君高枕
且自愛勸君濁醪且自沽何人不說宦遊樂如
君棄官復不惡何處不說有炎涼如君杜門復
不妨縱然踈拙非時調便是悠悠亦所長

送永寧許使君

使君落魄高陽徒結交李生仍狂夫醉後裂眦

一相視怒髮上指浮雲徂白日並堪出肝膽黃
金誰為收泥塗長安少年太巧宦依倚權門何
事無失策始就公府辟得意豈領蠻夷符爾今
折腰揖下吏我更掩泣臨窮途奇數能令遇合
變美才常被功名愚武溪毒淫湏自愛九重沈
深不可呼憶昔終軍繫南越鄉里小兒何其羸
荒服盡霑大漢德單車入郡歌來蘇固知永寧
之州絕如斗天子求賢三輔圖儻有徵書到遷
客五馬好過秦羅敷此篇遣辭亦佳但醉後一

聯俠氣太重結意亦淡難為無瑕玉矣

送謝茂秦

孝宗以來多大雅布衣往往稱作者謝家玉樹
操郢音其曲彌高和彌寡寓梁魯曳王門裾遊
燕欲薦中涓馬豈無冠蓋映當時滿眼悠悠世
上兒文章千載一知己交結何須鍾子期此物
有神無有分富貴浮雲不與之名言名盧楠坐

銜越石恩醉後感激肝膽言蒼鷹睚眦鸚鵡賦
身挂羅網何由翻殷憂楚奏秦庭哭遂雪黎陽

國士冤歸去東將釣滄海安能貧賤常立樊早
借江鴻報消息或卧春雲且故園惜未句未工
餘皆錦矣

贈殿卿

前年賜環承主恩去年解裾辭王門身經畏途
色不動心知世事口不論自顧平生為人淺羨
君迹名我不免自憐垂老尚馮陵羨君混俗我
不能有酒便呼桃葉妓得錢即飯蓮花僧再有
數語

更妙

金吾行贈戴將軍

先皇諸將何其雄君家大人國士風賜錢留起
嫖姚第詔宴數入蘭臺宮五雲忽變石城氣七
校親隨萬乘東當年帶礪山河在四海車書日
月通侍從敢聞潛邸事朝廷竟錄代來功此
時十歲羽林孤躍馬能開兩石弧漢主臨軒求
故劍承恩一拜執金吾生成燕頤寧辭武得奉
龍顏不羨儒三提鹵簿陪陵寢再護樓船下郢
都禁中自失張安世天上還看周亞夫氣雄語
健于鱗歌行佳者

王世貞

張生歌為應和作

張公一生湖海客少年任俠章臺陌周家小史
珠作歌廣武妖姬月為色玉盤錯落奪裊飲金
彈晶熒闔雞得似留青眼俗外看肯許紅顏暗
中擲歸來折節始為儒得錢但買鄴侯書門因
留客翻長掩徑惜飛花故不除有時忽發春醪
顛虎丘山頭雪放船孤裘銀盞施僧去却借一
榻雲房眠踉蹌顧撫三兒喜大者風神剪秋水

次兒霜蹄日千里小兒跳地學虎子若曹讀父
書足矣結語更奇佳品

戲城短歌調顧山人季狂

顧生慕君平九州已游七王生如少微五嶽僅
識一顧生謂王安足論七尺豈是妻兒身奇語
朝從兒耕暮妻織鴻鵠高飛來笑人生不見鄆
城酒罷街鼓發獨倚營門坐秋月賴能高咏三
五篇不然一夜換汝髮邊雪佳

短歌送袁魯望之南曹

汝南文彩世絕倫紅顏射策黃金門十年潦倒
厭朋舊一日聲名動至尊平津高閣中天起
多君不戀平津邸栢梁詞客凌雲煙多君不和
栢梁篇自云一疏更除目建業青山落人握未
論詞林繼江鮑寧甘相府稱袁伏我自江東退
步兵離騷美酒粗成名謝公大是經綸手莫作
空言登野城

為錢世重題懸磬室

錢郎坐我懸磬室要我為作懸磬篇我歌欲就

須斗酒君言室中無一錢空梁頗受落月色北
窓僅可涼風眠絕妙好門前黃葉霜如洗刺促
歸來愧妻子已少成都學士裘祗饒東郭先生
履挂壁蠨蛸寒欲墮當門鳥雀時空喜自矜顧
愷為前身丹青在手終不貧只愁妙畫通神去
依舊能生釜底塵奇甚不下太白

短歌自嘲

我不能六翮飛上天又不能摧眉折腰貴人前
為郎五載偃蹇不遷訊讀再過心茫然但曉月

費司農錢移書考功令願賜余歸田考功笑謂
汝猶鬚眉在人面留之何益去不全妙西山山
色青刺眼為我擁鼻賦一篇迺公調笑亦常事
有酒且逐東風顛有逸趣

乙卯病後遇生日獨酌至醉漫歌

東風吹酒星倏忽醉青天自墮吳江湄一往三
十年十年抱案尚書前腰腹半已成杯捲歸來
覓鏡忽大笑笑汝低眉為俸錢絕似高忽聞蕭
相營未央雖有月請歸朝堂酒腸唧唧如欲訴

盛明詩選卷四
且向文君乞鷓鴣。陽昌鑪頭春酒香。白眼瞪視
天茫茫。柱曲梨花飛灞陵。楊花落不愁。花落無
處歸。只恐長條坐蕭索。以茲日作爛熳游。妻嘲
女諫安足酬。汝曹骨肉偶相合。世間萬事俱蟬
蛸。違言君不見。王元美。昨者病欲死。眼前七尺
無柰何。曾中萬卷長已矣。豪爽只今幸。逐春陽
蘇那。不盡倒白玉壺。當時倘便騎鯨去。北斗南
箕未可沽。跌蕩雄豪宛然子美吳

從軍篇

君不見白奴游獵犯邊疆。復從朝那入渙陽。孤
軍慘澹秋看月。萬馬奔騰夜踏霜。促詔元戎屯
細柳。還聞烽火接長揚。金符電發徵車騎。玉劍
星移下室皇。博士持和令守障。牧兒助費拜為
郎。橫行盡選六郡士。轉餉俱齎百日糧。六郡良
家俠少年。從來結客不論錢。生將猿臂能穿葉
鑄得龍泉。獨吐蓮去逐輕車。馳騶裹還要。劇孟
賭嬋娟。雙層鐵鑊桃花甲。三尺絨綠瑪瑙鞭。自
道青雲能立上。復誇黃石有真傳。宛然盧機頭

少婦悲相向親黨臨岐重惆悵太白三杯醉不
辭涼州一曲歌偏壯海內常埋甲冑塵人間自
少公侯相新授主帥霍嫖姚長揖轅門意氣饒
別將晨驅玄菟塞竒兵多斷白狼橋行逢使者
曾書鴈捕着胡兒慣射鵬疏勒西來通帝朔君
延北望絕天驕新醅醉進闕氏捧夷樂傳教
敕勒調燕然刻石名居首漢殿頒恩世稀有已
賜甲第高入雲更懸金印大如斗佳句功成莫
傲機頭婦燈寒月沉君知否結更佳人所未語

即事書懷

四十不足三十餘如何輒擁連城居以茲但飲
淄流水不敢時通政府書有道旦暮移文如濕
束東西手板同驅逐何武公然欲露章山濤久
矣忘除目寧使蛟龍困螻蟻豈容燕雀知鴻鵠
名言任他牙瓜日紛紛難向青山攫白雲我自
安排容足處裁詩先屬太茅君

徐子與自郡調歸諸名士同汎石湖

石湖天開鏡中水烟濤東侵吳王壘峰頭古刹

接上方松陰半落澄波裡日月浮沉總跳丸雲霞舒卷時成綺問誰游者徐使君歸來沾沾殊自喜高第不拜穎川金新詩空貴洛陽帝以茲五馬倦買臣欲汎扁舟隨范蠡野夫兄弟操酒船重以吳下諸名士據石雄披萬里襟枕流清洗千秋耳奇何等雄醉狂顛倒為子歌立波摧空大風起榜人色奪催欲罷回首中原暮山紫龍有珠鬣未吐夜色蒼茫暗歸艤但住十日了不妨君不見五湖已屬王元美豪絕豪絕

答李伯華文選

王子昔把青州麾牙旗甲帳爭光輝與君快飲垂一月女郎山頭雲不飛倉皇家難挂冠去依舊江南一布衣世情反覆東流水選部門前亦如此車馬新年羅鳥雀荆榛舊日皆桃李惟有鄴侯三萬編青藜熒熒夜欲燃主人倦讀命所狎彈碁陸博謹相先小舞安花研光帽長吟就草菖蒲箋報君此時頭欲白男兒讀書飲酒差足適中山壚頭千日眠不然老作君家記室死

亦得感慨豪放逼近高遠

醉題曹子念壁

君家一椽如牛屋。門外輪蹄宛相續。老僕自好歌鷓鴣。上客時能舞鴈鴒。牀頭莫問明日米盤中。且辨今夜肉。絕有趣俗客我笑曹丘非長者君言王湛真癡叔。丈夫有錢不解使老向兒曹。作駒犢。四語尤妙

周胤昌自金華丞入計遷太守賦此贈別

宣州醪醕琥珀竿。玉龍橋頭為君寫。試問百城

山海間。何如半刺風塵下。仙人再見石作羊童。子重迎竹為馬。奇句唯有東陽舊日腰。總是工詩不堪把。字字珠玉結語尤奇

歌贈季生還四明茂才以俞仲蔚書至

四明少年慕狂客。相逢便據侯嬴席。手持俞生尺一書。顧盼自許文章伯。公車再上不得收。錢唐水冷芙蓉愁。為言生世無所願。但願一識王青州。青州護落已如此。金魚頓擲歸田里。萬事唯存物外身。空名枉挂人間齒。過度與君轟飲

一月餘醉看東海雲霞舒高歌未折兒黨項譴
浪翻遭時輩踈囊中有書頃好戀功名翻覆如
驚電歸路毋輕白日駒何人預曉青雲面君不
見苧羅女紅顏坐奪吳宮花伊昔吳王未相顧
日日江頭自浣沙佳

夢中得語云百年那得更百年今日還須

愛今日因戲成短歌

化人宮中百事無道書一卷酒一壺枝頭黃鳥
聽作曲西山白雲看作圖天然可喜朝愛朝暎上

東岫夕愛夕陽映東牖任他故人不通謁任他
朝事不挂口妙偶然案頭餘酒杯偶然躡屩山
僧來自斟自醉當自去禮豈能為我輩哉昨夜
情騰意超忽竊時得語醒時述百年那得更百
年今日還須愛今日絕妙好辭宋生見縱能拂
衣歸故山農畊社劇亦不閒何如且會此中趣
別有生涯天地間清新曠達宜書

過長平作長平行

世間恠事那有此四十萬人同日死開口便白

骨高於太行。雪血飛迸作汾流。紫銳頭豎子何足云。汝曹自死平原君。意妙古人烏鴉飽宿鬼車痛至今。此地多愁雲耕農往往夸遺跡。戰鏃千年土花碧。即令方朔澆豈散。總有巫咸招不得。君不見新安一夜秦人愁。二十萬鬼聲啾啾。郭開賣趙趙高出秦璽也。送東諸侯。天道好還。

贈李秀巖

李常受詩吳高州故戲之

青揚少年美瓊玖。繁僻風流眼前有。豈獨生能讀父書。吾輩新篇不離口。自言於世無所謀。能

工五言窮亦休。近來此物太憔悴。君不見五馬禿盡吳高州。有趣詩能窮人如此

况子行答吉甫叅政

况子高。眠藥湖干九日散髮。一日冠眼前。浮雲富貴薄。筆底白雪交游寒。二千里外飛天素。十年八年前論寸丹。男如意氣當如此。區區得失那足齒。縱令罵坐灌將軍。豈有醜人羊叔子。世上流言窮自定。吾徒傲骨生難已。君不能揚舫下建康。我不能張帆下豫章。長江浮沉恨書驛。落

月。夢。醒。愁。空。梁。豫。章。宗。人。貧。孟。嘗。余。生。少。貴。輸。
柴。桑。大。兒。文。舉。小。德。祖。野。鷺。可。以。家。雞。長。君。知。
犯。斗。雙。龍。劍。元。是。吳。工。冶。後。霜。雄奇

將抵潯陽戲作短歌

逾。月。不。啖。東。家。豬。又。不。及。買。武。昌。魚。橐。中。乾。菜。
配。濁。酒。日。日。看。山。還。讀。書。男。兒。三。十。興。闌。懸。赤。
芾。及。至。之。官。垂。五。十。欲。辭。白。髮。頭。不。能。縱。脫。青。
衫。淚。堪。濕。為。龍。為。蛇。心。自。知。呼。牛。呼。馬。那。敢。辭。
有。書。且。作。老。博。士。得。酒。便。喚。高。陽。兒。放。達。可。喜。

姚汝循

舟次江陽趙希所太守留飲醉後放歌

青。溪。野。人。不。解。事。宦。遊。猶。負。江。湖。氣。耻。向。權。門。
通。姓。名。每。將。迂。論。干。時。忌。一。官。萬。里。竟。罷。歸。歲。
暮。天。涯。尚。留。滯。天。涯。留。滯。意。悽。惻。盡。日。風。湍。行。
水。國。烏。裘。已。敝。黃。金。盡。故。園。猶。道。千。山。隔。過度
此。時。維。舟。傍。魚。叟。多。情。幸。值。江。陽。守。自。謂。雷。陳。
交。契。深。更。言。孔。李。通。家。父。張。筵。拉。我。登。彩。舟。金。
尊。滿。貯。郢。筒。酒。鸞。簫。鼙。鼓。催。何。急。海。錯。山。珎。傾。

所有獨持古義向漂零肯學時情厭衰醜
高談調笑寬我憂鬱抱沉襟為君剖耳邊但覺
吹素霓天上寧知橫北斗憶在去年當此時與
君上計謁彤墀朝回共擬沾殊渥鍾鼎勳名立
可期誰知世態多翻覆轉眼風波起平陸皂囊
屢薦不徙官青蠅一點輕投玉命否自甘吾道
廢舌存不擬窮途哭飲君酒為君歌昨朝青鬢
今已皤古來賢達竟誰在身後虛名寧足多不
如痛飲且自快萬事姑置形骸外須如此結束

白帝城歌

古城萃嶽空江上巫峯十二森相向如益公孫

躍馬氣何雄非才竊據終傾喪暝煙漠漠露華

白我來正屬清秋節洪濤三峽鬪雷霆丹楓幾

處啼猿狄傷心欲問前朝事立馬徬徨不能去

井蛙之子無足齒赤帝龍孫胡亦爾天心已定

三分業軍壘空連七百里意佳句永安宮內託

孤時士馬悲號呼不起只今野鳥似啼愁寧知

往事隨流水江上孤城城上祠君臣凜凜虎龍

姿運移勢去人無那長使英雄兩淚垂

江上對月放歌

去年初赴嘉州謫攀雲曾弄娥眉月今年
放歸故鄉欲往重遊阻路長却憐夙昔峰頭影
猶為行人照夜航有趣世間萬事如驚電惟餘
此月常相見白屋朱門無頗偏天涯海角從流
轉達人知命不須愁富貴功名任去留逢時便
作朝陽鳳失意甘隨海上鷗如何壑斷庭迷子
苦向鷓鴣雖矜腐鼠千炬將來照自身寸光不肯

沾隣女學兔公然構三窟變庶惟須開一語權

之重祇言尺霧堪障天豈識冰山難度暑語新

人所未君不見秦時相國有李斯寵盡還生黃

犬悲又不見商鞅刻覈終自敝逆旅奔亡人共

棄天道好還每如此福禍相尋一彈指丈夫得

志貴垂芳胡為遺臭汗青史若言權勢無衰歇

此月常圓應不缺結尤妙

江上對酒懷古

木葉脫已盡青山望不窮手持一盃酒日送江

流東江流東去何時歇人世浮漚遞興滅憶昔
詞林李供奉錦袍片舸浮江月俊逸天一時意
氣薄烟霄俛首人間同蟻垤風流文采今焉往
岸柳潭楓日空長夕陽欲沒海西頭暝色蒼蒼
生暮愁長風萬里動地至石走江翻雲氣流欲
覓古人何可得舉酒酌江江水白沉吟罷酌不
能去寒月橫空猿嘯樹清新之極無一塵語矣
非俗客可到

鳳泉茶所為陳子野題

鳳凰臺前一畝宮下有寒泉清若空主人卜築
今幾載門垂五柳煙暝濛時來泉上支頤坐地
僻宵無車馬過茗杯一酌瑩心神世間熱惱誰
能那

雨雪嘆金口鎮阻風

北風一夜雨為雪四顧山光慘無色漁人蕩漿
疾若飛我乃有舟去不得前叫禿鶯後老鷓鴣
鷗翅濕躡空梁床頭酒資嗟且盡獨擁重裘歌
慨慷描寫阻風情景如畫結語尤妙惟經過者

能知此味也

桐灣閣上偶然作

傲吏由來。戀丘壑。青髮歸田。殊不惡。舊業原居。桐樹灣。遂向灣頭。結幽閣。九曲清溪。枕畔流。一片鐘山鏡中落。如畫可。山光溪色。情無盡。榜歌漁唱。時相應。垂綸豈學渭川翁。觀魚且適濠梁。興自從悟得。空王法。萬事回頭。皆墮甌。此篇絕

清絕新如九曲清溪。聯乃神仙中語。當為千古

贈灸語尤超出。凡自非隋士甌高士安得有此達言

張文介

秋夜對酒

高梧陰陰。花滿堂。玉杯清酒。葡萄光。佳人含笑。倚新粧。清歌一曲。月如霜。撫琴欲和意。茫茫夫。夫。生。世。遇。陶。唐。自。當。持。德。奉。君。王。齒。牙。踈。落。鬢。欲。蒼。鍾。生。未。逢。何。所。將。惆。悵。山。中。此。夜。長。忠厚

且醞藉從容。勝甯戚。扣角歌遠矣。

甲子下第述懷

高秋江渚。盡風沙。遊子天涯。日望家。孫陽不遇。

已堪嘆李廣數竒充足嗟清江短舸何時去小
徑黃花朝已著江樓彈鋏且醉歌明珠會應有
投處

東方游初

前日訪君君未歸昨日訪君仍空回人生聚散
如落葉秋江况復重將別携觴曾約向吳山風
雨猶遲見面緣不辭晚霽來同宿清夜為君還
秉燭字字緣情遂妙

立春日對酒寄從弟惟遠

蒲萄綠酒黃金杯綺閣梅花參差開綺麗日高
睡起凍全解遙見春風柳上來笑把花枝酌春
酒醉去不知渾幾斗試草巴箋問惠連春來已
有新詩否有幽興

雨霽登靈鷲峯

積雨十日不出門乍晴山色青滿軒句佳偶登
懸巖豁幽抱清虛絕勝桃花源遠公素得張仙
趣一笑開樽對芳樹醉罷白雲猶未知紛紛漫
擁峰頭路

醉後贈陸峻庵

君不見虞卿立談賜雙璧君不見賈生半夜虛
前席俊傑天生必有用誰笑馮唐頭欲白腰下
金貂值萬錢匣中寶劍號龍泉將來換酒與君
醉醉罷乘龍躡紫煙豪爽不凡

放艇

桃花參差夾去津小艇恰容三兩人如畫談玄
不覺白日晚眺遠尤宜綠柳春甚轉妙青溪
迢去轉曲玉盞盈盈傾更綠共憐筆落盡璠璵

何苦少濁苦多此夕與君期盡醉持杯莫問夜如
翻笑盤飧祗首霜可慨勸君月出且高歌清綠

長歌行寄陸先生

山亭日出花如綺裊裊穿簾映人紫臨花悵望
何所思有美人兮隔江水先生當年藝苑雄聲
華燁燁照江東清辭未數王摩詰逸氣還過陸
士龍聖世群龍滿天闕高才自合班夔契一
官廣文今幾年獨坐青氊冷如鐵嗟余落魄尤

可輕論學談兵一未成桓公漫竒王景畧漢家
 誰識韓淮陰難人才自古前年獻賦不得意今年
 獻賦表仍散落筆空令風雨驚虛名何益飛騰
 事窮途賴有夫子知相逢尊酒每言詩侯芭落
 莫愁千斛頃向杯中盡解頤醉別花間重幾日
 夜來雪花大如席草堂凍卧尊一空漫有床頭
 詩五色樂貧而君不見小范雌伏吳王城那識胸
 中數萬兵先生生平具水鑑為余試作張生行

送客

殘夢猶未醒鐘聲何太早寒帷望梁月寒色猶
 皎皎忽念同心人將涉丹陽道黯黯聽鳴鷄愁
 懷不可掃丹陽古道接金陵虎踞龍盤佳麗城
 清芬再挹知何日一片離心逐曉雲宛然初唐

寓衢麓有贈

朝發山中城暮宿江邊閣江月皎如雪清光滿
 南郭主人歲晏方苦貧試探囊中纔一金傾囊
 烹醪一醉我醉去共忘宵鐘頻嗟君清脩豈易
 得笑我孤高真莫逆造化偏令有道窮男兒肯

向泥途泣我觀自古英豪人時未遇兮皆苦辛
呂公垂竿渭溪上王生賣畚嵩山陰丈夫生當
五鼎食馬能長久淹風塵君不見韓淮陰一飯
千金報漂母青史至今垂令名辭清氣豪殊似太白

江上別友人

挂席錢塘西長林帶斜月客夢回遠鐘愁心斷
鳴楫佳句如有美人兮江水濱花間一笑輒相
分牽情最是城隅柳一樹垂垂隔曉雲

九日飲雨花臺

今日復九日他鄉且携酒邀歡木末亭因登雨
花首是日天氣昏風吹塵沙走南望金陵城舉
日盡煙柳亭高酒濃花復清急管嬌歌愁殺人
座中賓客盡燕許片言落紙千黃金酒酣不知
江月出但見長江如雪色新句奇景月裏垂鞭共
醉歸燈火紛紛滿南陌

秋夜與王太僕集姚大名宅

金爐沉爐香冥冥玉塔露寒歌轉清已憐琵琶
作胡語復有秦簫如鳳鳴綺麗清人生百年駒

過隙大笑一秋。今幾日。雲臺麟閣。總浮塵。相逢
且盡杯中物。公子風流世所稀。使君儒雅最堪
依。明朝更約邀歡去。載酒同登燕子磯。

飲橫崖不釣磯上作

殘日漸墮鍾山西。石林花嶼煙欲迷。似孟主人
幽興猶未盡。還復移尊不釣磯。磯頭萬丈秦淮
瀉。白鯉纖纖滿磯下。酒酣起舞魚亦躍。知君自
是忘機者。意點出然不釣夜深月出鳳凰臺。月色波
光滿。綠杯濠梁未必能過此。明日還期載酒來。

後逸可喜

秋夜有懷二子

秋聲入夜聽。更清颯颯。宛如踈雨鳴。清金陵遊
子不願聽。况乃懷人將。二更東望故園。總起
每欲東歸歸。未得江上帆。牆幾日。未聞中書信
經秋隔寶劍。腰間枉繫渠。窮途况復日。將晡月
明起舞秦淮上。尚喜寒光射斗墟。然言外思隱

淳化鎮道中

去年桃花開。辭家向京來。今年桃花吐。返騎京

東路今年花似去年花今年心較去年差去年
看花嗟作客今年看花欣轉家絕客子真情寫得

送克際往溧陽訪張晚溪夫

瀟瀟風雨苦不輟山中暮寒更欲雪草堂對菊
正愁坐無柰遊人復將別吾弟才華本謝家新
辭燦燦宛如花燕領何年逢漢主龍泉今欲遇
張華有酒留君君且住軒冕須知草頭露何等
扁舟明日漫相思回首天涯抵煙樹溧陽縣南
彭客鄉夏林社中詩最清相逢為道而兄意自

見詩來思識荆學杜絕妙

乙亥元日對雪述懷

金杯綠酒葡萄光風吹雪花拂袖香清新流可

憐皓色徒滿眼無柰多愁偏斷腸戴天大仇一
未雪捧日壯心空自熱流光似箭鬢轉華仗劍
四顧心欲絕可哀夫夫死當樹大名焉能溝壑
徒自經明朝破釜出門去料得蒼天憐此心

對雪撥悶

凍雪盈尺高壓簷月華如水重滿簾寫景絕清
雖良工亦

出。不。盡。不。金。杯。綠。蟻。徒。漉。漉。愁。倚。紅。爐。心。懶。拈。浮。生。
汨。汨。垂。欲。老。懷。抱。曾。無。一。朝。好。未。交。許。劭。誰。見。
知。自。比。夷。吾。人。笑。倒。得。元。無。徐。庶。安。少。看。富。貴。等。
浮。煙。老。去。翻。愁。賃。屋。錢。漫。道。周。公。方。下。士。先。生。
雪。內。履。猶。穿。拔。劍。四。顧。還。自。笑。世。事。浮。雲。難。盡。
料。用。舍。行。藏。本。有。時。垂。竿。且。學。淮。陰。釣。未。援。天。以。自。寬。
殊。有。道。氣。

與虎泉丈吳山踏雪暮至樊山人家席上賦

春。光。何。太。寒。一。日。一。飛。雪。窮。途。有。凍。夫。柴。門。晝。
仍。閉。羨。君。七。十。同。少。年。醉。臉。宛。若。桃。花。燃。輕。裘。
高。屐。遠。過。我。邀。我。翫。雪。登。吳。山。吳。山。何。處。最。堪。
眺。第。一。峰。頭。伍。公。廟。璚。鋪。下。闕。蘇。老。堤。王。立。遙。
看。越。中。嶠。越。嶠。蘇。堤。望。轉。明。澄。江。如。練。帶。銀。城。
路。迷。漫。訝。藍。關。道。嶂。轉。渾。疑。白。玉。京。玉。字。字。如。行。
行。漸。入。三。茅。路。最。憐。夾。道。瓊。千。樹。樹。裏。冰。湖。盡。
不。成。湖。光。雪。色。難。為。素。日。暮。詩。成。興。更。饒。山。家。
煮。酒。遠。相。邀。醉。來。尚。覺。雄。心。在。冒。雪。猶。思。夜。渡。

遼城中。卿相應。無數若箇同。君此中。趣明朝。雪大景更奇。載酒還登。未遊處。愈開音別結束更妙愈奇。

正月十六日寄何佩韋文學佩韋住城西

荷花池濱

望仙河下。儔侶稀。金波橋南。因卜居素心之人。復難得。閉門但對花前書。清風可賴有西城何水部。不嫌水雪長相顧。沽醪每帶杖頭錢。興來輒覓西湖路。昨日相邀待雪消。看燈同醉衆安橋。今朝風日憐俱好。應解金貂付白桃。白桃酒家姬清

辭逸興絕
似岑參

九日飲朱家用高達夫韻

曹公老驥還足惜。諸葛奇才豈常有。招賢未築黃金臺。登高且醉紅樓酒。長鋏無魚自漫嗟。短衣至骭誰云醜。白頭但可濟蒼生。終勝江生歸黑首。詞雄氣豪興逸可以和高達夫矣

送雷東河

送君北關天欲雪。北風如刀柳難折。新醪欲覓重乏錢。故人柰可空相別。笑把綈袍付酒家。清

歌喚出白桃花高興忽酒醉旋草陽關曲贈爾
行囊比莫鉶

辛巳春日飲姚鳳麓使君花榭時使君自
嘉定解綬初還

秦淮醉別忽六年回首何如一夢間浮生更清
幾翻別念此令人愁壯顏君同柳下仕復黜余
尚草廬間抱膝平生所期猶若茲堯舜君民竟
何日亦大人所期須知勲業亦浮煙待漏何如穩
醉眠何當共訪曇陽去學向瀛洲作酒仙又鉶名

不足慕子其不
仙風者哉

送黃別駕席上得豪字

使君自是江東豪豈止八閩稱俊髦清才絕比
暮蟾索逸興不減秋雲高語俊少年即中青錢
選擢桂曾過廣寒殿劉蕡下第衆雖惜原憲安
貧心不怨懶將綠鬢待三公小試牛刀滄海東
台南盡仰神君政兵下尤歌別駕功宦鼎聊嘗
輒歸去不似世人忘曉暮佳句可以為喜吳山
便卜居邀歡日日西湖路平生交善何與方晚

愛張生詩似唐得錢即共看花去侑酒常携黃
四娘有趣醉輒裁詩并製曲鬪捷爭先頻刻燭
揮毫花底宛若飛歌來字字皆如玉如玉空憐
響入雲那堪一旦忽離群秋風時有南來鴈莫
遣音書久不聞清興酒然讀之忘倦

初晴寄上漢翁殿下

連旬苦雨皆閉戶空負東城花君綺今晨新霽
偶出遊重柰沽醪薄如水麻姑太醜病畏傾不
若桂花清可人題詩試乞梁園主安得重遺雙

玉樽妙語絕不在多

送王懷亭總戎督餉之淮安兼寄李季宣

春元

將軍之才殊罕儔用之左右皆相投知兵固喜
即兵起轉餉復推同鄴侯張生落落世少契但
到君衙必沉醉說霸談王每移日翻笑雕蟲為
未技絕不如流水行雲白社湖中正可人荷花競
照綠杯新自佳故人柰可長淮去暫少揮毫王
右軍乍別無須折楊柳孤山梅蕊應回首灞上

如逢李季宣願言山斗懷君父杜岑王孟皆兼
而有之佳品佳品

盛明十二家詩選卷四畢



